

# 大乘集菩薩學論卷第二十四

法稱菩薩造

宋西天三藏朝散大夫試鴻臚少卿宣梵大師日禪等奉詔譯

## 念三寶品第十八之三

諸有道路河流處 能建橋梁及船筏  
普爲利樂諸衆生 稱讚寂靜令忻悟  
放大光明除渴愛 此光能覺諸含識  
令其捨離於五欲 專求解脫深妙法  
若能捨離於五欲 專求解脫深妙法  
則能以佛甘露雨 普滅世間諸渴愛  
惠施池井及泉流 勸求無上菩提道  
毀塔五欲讚禪定 是故光名除渴愛  
放大光明名作變 此光能覺諸衆生  
見者令慕佛菩提 發心願證無師智  
造立如來大悲像 衆相莊嚴處蓮座

常歎最勝佛功德 是故此光名作愛  
放大光明名忻樂 此光能覺諸衆生  
令其心樂於諸佛 及以樂法樂衆僧  
若常心樂於諸佛 及以樂法樂衆僧  
則在如來聖會中 遠成無生深法忍  
開悟衆生無有量 普使念佛法僧寶  
及示發心功德行 是故此光名忻樂  
放大光明名福聚 此光能覺諸衆生  
令其修習種種施 以此願求無上道  
設大施會無遮限 諸來乞者皆滿足  
不令其心有所乏 是故此光名福聚  
放大光明名具智 此光能覺諸衆生  
於一法門了多法 於多法門剎那解  
爲諸衆生分別說 决定了知真實義  
善能廣說無損減 是故此光名具智

放大光明名慧燈。此光能覺諸衆生。  
令知衆生性空寂。一切諸法無所有。  
法無主宰本來空。如幻陽焰水中月。  
亦如夢境及影像。是故此光名慧燈。  
放大光明法自在。  
〔註一〕此光能覺諸衆生。  
令得無盡陀羅尼。  
〔註二〕悉持一切如來藏。  
恭敬供養持法者。給侍守護如諸仙。  
以種種法施衆生。是故光名法自在。  
放大光明名具捨。此光覺悟慳惰者。  
令知財富悉無常。樂行惠施而無惱。  
善能調伏彼慳者。了財如夢如浮雲。  
增長惠施清淨心。是故此光名具捨。  
放大光明名除熱。此光能覺毀禁者。  
普令安住清淨戒。發心願證無師智。  
勸勵衆生咸奉持。十善業道常清淨。

復令發趣菩提心。是故此光名除熱。  
放大光明名忍嚴。此光覺悟多嗔者。  
令除忿恚及我慢。樂修忍辱常柔和。  
衆生暴惡難行忍。爲菩提故心不動。  
稱揚最上忍功德。是故此光名忍嚴。  
放大光明名勤勇。此光覺悟懶惰者。  
令彼常於三寶中。恭敬供養無疲厭。  
若彼常於三寶中。恭敬供養無疲厭。  
則能超出四魔境。速成無上佛菩提。  
勸諸衆生發精進。常於三寶伸供養。  
法欲滅時專護持。是故此光名勤勇。  
放大光明名寂靜。此光能覺亂意者。  
令其遠離貪恚癡。心不動搖棲正定。  
捨離一切惡知識。無義談說雜染行。  
讚歎禪定阿蘭若。是故此光名寂靜。

放大光明名慧嚴此光覺悟愚迷者令其證諦解緣起諸根智慧悉通達若能證諦解緣起諸根智慧悉通達則得日燈三摩地智慧光明成佛果國財及已皆能捨爲菩提故求正法聞已爲衆廣開演是故此光名慧嚴放大光明名佛慧此光覺悟諸含識令見無量百千佛各各坐寶蓮花上讚佛威德及解脫說佛自在諸神通顯示佛力妙難思是故此光名佛慧放大光明名無畏此光照觸除諸怖非人捶打所執縛一切災難皆令滅於諸眾生施無畏遇有惱害皆能止拯濟厄難孤窮者是故此光名無畏放大光明名安隱此光能照疾病者

令除一切諸苦痛悉得勝定三昧樂施以良藥救衆患妙寶延命香塗體掌中涌現諸飲食是故此光名安隱放大光明名見佛隨其憶念見如來命終得生其淨國見有臨終勸念佛又示尊像令瞻敬俾於佛所深歸仰是故此光名見佛放大光明名樂法此光能覺諸群生令於正法常欣樂聽聞讀誦及書寫法欲盡時能演說令求法者意充滿於法愛樂勤修習是故此光名樂法放大光明名妙音此光開悟諸菩薩能令三界所有聲聞者皆是如來音以大音聲稱讚佛及施鈴鐸諸音樂普使世間聞佛音是故此光名妙音

放大光明名甘露　此光開悟諸衆生  
令捨一切放逸行　具足修習諸功德  
謂有爲法非安隱　無量苦惱悉充遍  
常樂稱揚寂滅樂　是故此光名甘露  
放大光明名最勝　此光開悟諸衆生  
令於佛所普聽聞　戒定智慧增上法  
常樂稱讚大牟尼　勝戒勝定及勝慧  
如是爲求無上道　是故此光名最勝  
放大光明名寶嚴　此光能覺諸群生  
令得寶藏無窮盡　以此供養諸如來  
以諸種種上妙寶　奉施於佛及佛塔  
亦以惠施諸貧乏　是故得成此光明  
放大光明名香嚴　此光能覺諸衆生  
令其聞者悅可意　決定當成佛功德  
人天妙香以塗飾　供養一切最勝主

亦以造塔及佛像　是故得成此光明  
放大光明妙莊嚴　寶幢幡蓋無央數  
焚香散華奏衆樂　城邑內外皆充滿  
由以微妙伎樂音　衆香妙華幢蓋等  
種種莊嚴供養佛　是故得成此光明  
放大光明名嚴淨　令地平坦猶如掌  
莊嚴佛塔及其處　是故得成此光明  
放大光明名大雲　而能密布雨香水  
由以香水灑佛塔　是故得成此光明  
放大光明名嚴具　令裸形者得上服  
嚴身妙物而爲施<sup>第十一</sup>　是故得成此光明  
放大光明名上味　能令飢者獲美食  
以衆珍饌而爲施　是故得成此光明  
放大光明名勝財　令貧乏者獲寶藏  
以無盡物施三寶　是故得成此光明

放大光明名淨眼 能令盲者見衆色  
以燈施佛及佛塔 是故得成此光明  
放大光明名淨耳 能令聾者悉善聽  
作樂施佛及佛塔 是故得成此光明  
放大光明名淨鼻 昔未聞香皆能聞  
以香施佛及佛塔 是故得成此光明  
放大光明名淨舌 能除麤惡不善語  
由以美音稱讚佛 是故得成此光明  
放大光明名淨身 令根缺者皆具足  
以身禮佛及佛塔 是故得成此光明  
放大光明名淨意 令失心者得正念  
由修三昧自在力 是故得成此光明  
放大光明名淨色 難思妙相咸令覩  
妙華供佛及佛塔 是故得成此光明  
放大光明名淨聲 觀聲緣起如谷響

了知聲性本來空 是故得成此光明  
放大光明名淨香 令諸臭穢悉香潔  
香水浴佛及佛塔 是故得成此光明  
放大光明名淨味 能除一切味中毒  
常供佛僧及父母 是故得成此光明  
放大光明名淨觸 能令硬觸皆柔軟  
戈鋌劍戟從空雨 皆令變作妙花鬘  
以昔曾於道路中 塗香散華布衣服  
迎奉如來蹈其上 是故得成此光明  
放大光明名淨法 能令身諸毛孔中  
悉演難思妙法門 聽者咸欣蒙解脫  
自性無生從緣起 法性常住等虛空  
了知佛身即法身 是故得成此光明  
如是等比光明門 如微塵數無有量  
悉從大仙毛孔出 所作事業名差別

如一毛孔所放光 出若虛空微塵數  
一切毛孔悉亦然 此是大仙三昧力  
如彼所修諸功德 隨其宿緣同梵行  
今放光明故如是 此是大仙智自在  
往昔同修勝福業 能生愛樂皆隨喜  
於今所作亦復然 是故得成此光明  
若有自修衆福業 數數供養於諸佛  
復於佛德常勤求 由此光明所開覺  
譬如生盲不見日 非謂無日出世間  
諸有目者悉了知 各隨所務而修作  
大士光明亦如是 有智慧者皆悉見  
凡夫邪信劣解人 於此光明莫能覩  
摩尼宮殿及輦輿 妙寶靈香以塗瑩  
具有勝福咸自然 非無德者能安處  
大士光明亦如是 有深智者咸蒙照

卷二

十八

邪信劣解凡愚人 無有能得斯光矚  
若有聞此光差別 能生清淨深信解  
永斷一切諸疑網 速成無上功德幢  
復現最上三摩地 眷屬莊嚴皆自在  
十方一切國土中 佛子衆會皆圍繞  
有妙蓮華光莊嚴 量等三千大千界  
其身端坐悉充滿 現此三昧神通力  
復有十刹微塵數 妙寶蓮華所嚴飾  
諸佛子等住其中 是此三昧威神力  
宿世成就善因緣 具足脩行佛功德  
如是衆會所圍繞 悉共合掌觀無厭  
童子身中入三昧 於盛年身從定起  
盛年身中入三昧 於老年身從定起  
老年身中入三昧 近事女身從定起  
近事女身入三昧 近事男身從定起

近事男身入三昧 比丘尼身從定起  
比丘尼身入三昧 於比丘身從定起  
比丘身中入三昧 學無學身從定起  
學無學身入三昧 緣覺身中<sup>發一</sup>入三昧  
緣覺身中<sup>發二</sup>入三昧 現如來身從定起  
如來身中入三昧 於緣覺身從定起  
諸天身中入三昧 <sup>十</sup>於緣覺身從定起  
大龍身中入三昧 於諸天身從定起  
於夜叉身從定起 於大龍身從定起  
夜叉身中入三昧 於夜叉身從定起  
於部多身從定起 若火大中入三昧  
部多身中入三昧 於風大中從定起  
一毛孔中入三昧 若風大中入三昧  
一切毛孔從定起 於地大中從定起  
一切毛孔入三昧 若地大中入三昧  
一毛端頭入三昧 若天宮殿入三昧  
一切髮端從定起 是名不思議解脫  
一毛孔中入三昧 十方所有諸如來  
一切毛孔入三昧 一切如來共宣說  
一毛端頭入三昧 諸佛自在大神通  
一切髮端從定起 一切如來住八解脫  
一微塵中入三昧 聲聞心住八解脫  
於一切塵從定起 能以一身現多身  
一微塵中入三昧 復以多身爲一身  
於一切塵從定起 於虛空中入火定

一切塵中入三昧 於金剛際從定起  
金剛際中入三昧 於摩尼寶從定起  
若摩尼寶入三昧 佛光明中從定起  
若佛光中入三昧 於水大中從定起  
若水大中入三昧 於火大中從定起  
若火大中入三昧 於風大中從定起  
若風大中入三昧 於地大中從定起  
若地大中入三昧 於大宮殿從定起  
若天宮殿入三昧 於空起定心不亂  
是名不思議解脫 自在功德三摩地  
十方所有諸如來 於無量劫說不盡  
一切如來共宣說 衆生業報龍變化  
諸佛自在大神通 及入定力不思議  
聲聞心住八解脫 能以一身現多身  
復以多身爲一身 於虛空中入火定

彼不具足大慈悲 不爲衆生求佛道  
尚能現此難思議 何況廣大饒益者  
譬如日月遊虛空 其光普遍十方處  
泉池陂澤器內水 衆寶河海靡不現  
菩薩色像亦復然 十方普現不思議  
此皆三昧自在力 唯有如來能現證  
海中有神名善音 其音普順海衆生  
所有語言皆辯了 令彼一切悉歡悅  
彼神具有貪恚癡 猶能善解諸言說  
況復總持自在力 而不能令衆歡喜  
譬如幻師善幻法 能現無邊巧事業  
須臾示作日月歲 城邑豐饒大安樂  
幻師具有貪恚癡 猶能幻力悅世間  
况復解脫諸禪定 而不能令衆歡喜  
羅睺阿脩羅變現 跳金剛際海中立

海水雖深沒半身 首與須彌正齊等  
彼有貪欲嗔恚癡 尚能現此大神變  
況復降魔照世燈 而無自在威神力  
天與脩羅鬪戰時 帝釋神力得自在  
隨其軍衆之數量 現身與等彼無敵  
諸阿脩羅作是念 釋提桓因來向我  
必取我身五種縛 由是彼衆悉憂怖  
帝釋現身有千眼 手執金剛出火焰  
被甲持杖具威嚴 脩羅遙見咸退伏  
彼由微小福力故 猶能摧破大怨敵  
何況救度一切者 岂於功德不自在  
如風興雲降大雨 亦能息滅諸雲氣  
亦能成熟諸苗稼 亦能安樂諸群生  
彼不能學波羅蜜 亦不學佛諸功德  
猶成不可思議事 何況具足諸願者

論曰菩薩諸有所作皆爲利樂諸衆生故自餘別明增長福因如寶雲經偈云

若諸菩薩嚴持香華奉獻如來及佛塔廟以此回向願諸衆生離破戒垢得佛戒香若諸菩薩以淨香水掃灑塗地以此回向願諸衆生離惡威儀修善法式整肅圓滿若諸菩薩嚴持花蓋而以奉獻以此回向願諸衆生離煩惱熱若入伽藍發如是心令諸衆生入涅槃城出伽藍時發如是心願令衆生越生死獄若開戶牖發如是心願令衆生開聖智門若閉戶牖發如是心願令衆生閉惡趣門若安坐時發如是心願令衆生坐菩提場右脇卧時發如是心願令衆生安住涅槃從卧起時發如是心願令衆生離纏蓋障若徃便利發如是心

願令衆生趣大覺路正便利時發如是心願令衆生拔三毒箭若洗淨時發如是心願令衆生洗煩惱垢若洗手時發如是心願令衆生離穢濁業若洗足時發如是心願令衆生離障塵空齧齒木時發如是心願令衆生捨諸垢染又彼菩薩若身所作一切善業持以回向利益安樂一切衆生若禮如來及佛塔廟發如是心願令衆生常得人天之所禮敬

大乘集菩薩學論卷第二十四

卷一

主